

Ji  
3158





597.



00

Rom

af 4327

G 1/9

27

s. Böcking: Index S. 70, No. 7 af 4322  
in d. T.: Ausruf, wie sich die Päpste gegen  
den Kaiser gehalten

**Kurzer auszug wie böss-**  
**lich die Bepfte gegenden Deudsche**  
 en Keysern jemals gehandelt/das billich/ auch nur  
 umb der gewonheit willen/ kein Keyser einis  
 gem Papst mehr vertrauen solt/  
 Er wolle denn gern betrogen sein.

**Durch Herr Ulrichen von Hut-**  
 ten ettwan zusammen bracht.



L 2, 2672.



2. Durch den Heiligen Geist  
sich die Gebote Gottes zu bewahren  
zu begehren das was gut ist und  
zu vermeiden das was böse ist  
zu tun was nicht verboten ist  
zu lassen was nicht befohlen ist  
Durch den Heiligen Geist  
zu leben in der Freiheit  
zu stehen in der Wahrheit  
zu sein in der Liebe





**S**Z (als einer  
von den weisen sagt) der selig zu achten / der mit eines andern schaden weis wird / so ist auch der nicht am meisten glücklich zu halten / der mit geringem schaden aus einem vnglück kompt dadurch er vnderweiset / darnoch in seinen sachen fürsichtiglich handeln mag / vnd mit bedencung des vorigen fals / sich für zukünftigen fällen zubüten. Wo aber einer were / der beiderley gestalt / als durch frembden / vnd auch seinen eigen schaden gewarnet / sich doch nicht fürsehen wolt / vnd alle vergangene ding zu vergess setzt / ob es demselben vbel gieng / wurden seine freunde vnd die im guts gönnen / sich nicht vber in erbar men / vnd seine feinde dasselbige irem glück zuschreiben. Die aber weder freund noch feind weren / sprechen / im were recht geschehen / das er der massen vnderweiset / noch dennoch in irthumb freuenlich / vnd mit freiem willen gefallen were.

Horatius.

In diebus ist  
die hundert  
und hundert  
der hundert

Der hundert  
der hundert

Demnach ist Keyserliche Maiestat zu ermanen / das sie erstlich bedencen / was ir selbs bereit vom Papst begegnet / daraus zu ernemen.  
A u ernemen

Was Key.  
Mai. zu ernemen.



Der Ppste alte  
gewonheit  
vnd herkommen  
der brauch.

ernemen / was sie sich hinfort / leibs / guts /  
trewen vnd glaubens versehen solle. Dar-  
nach aus alten Historien vnd geschichten  
der vorigen Keyser bericht zunemen / wie es  
denen etwan gegangen / So wird sich fin-  
den / das keinem Deudschen Keyser / von  
Ppsten (es were denn zu irem eigen nutz ge-  
schehen) gleichs je widerfarn ist / Sondern  
sind die oft jemerlich vber ire hand gege-  
ben / trew vnd glauben von den betrogen  
vnd verrhaten / allweg vnter einem schein  
der geistlichkeit vmbgefart / vnd darnach zu  
spott vnd schanden bracht. Etlliche auch  
für ire gethane wolthat / schendlich vnd bö-  
slich gehandelt / als mit henden vnd waffen  
angefochten vnd vberfallen / das denn von  
einem zum andern in der leng zu erzelen viel  
zeit haben wolte / mag aber oben hin / vnd  
die grösten stück zu melden / der massen wie  
hernach volgt / angezeigt werden.

Keyser Otto  
der erste.

Vnd haben wir an Keyser Otten den  
ersten zu nemen / den acht ich für den ersten  
der den Ppsten guts gethan / vnd von inen  
böses entpfangen hat / Denn als er vom  
Ppste Johanne des Namens dem zwelfff-  
ten durch bitt vnd flehe der kirchen wider  
die Saracenen König Berengarium vnd  
seinen Son Albrechten zuhelffen / in Itali-  
am



am gefordert vnd komen / Kom von beider  
leyfeinden erlost / gantz Italien in frieden  
gesetzt. Ist darnach Papsst Johannes von  
im zum König Albrechten / der in Corsicam  
geflohen was / gefallen / vnd hat wider den  
fronien Keyser Otten grosse auffrur vnd  
Krieg erweckt / vnd hatt Otto der Erst diese  
belonung von seinem Papsst entpfangen.

Aber seinen Neuen / Otto den dritten  
haben nicht mögen helffen viel gut that sei-  
nes anhern oder grossvaters / vnd auch sei-  
nes vaters / die sie den Papssten bewiesen /  
sondern ist er von denen mit auffrur vnd vn-  
trew so lang angetast vnd beschedigt / bis er  
aus trefflichen vrsachen bewegt / Papsst Jo-  
hanni xiiij die augen hat lassen ausstechen /  
Welche straff sie denn ein zeit lang in forcht  
gehalten / bis so lang das Reich komen ist /  
an den werden Helldt Keyser Weinrichen  
den iij. desgleichen in Teudschen landen  
nie geborn / denn im geben seine eigene fein-  
de / die Italianer das lob / das er in streitbar-  
keit den meisten teil die terroristen helden so je  
gewest / aber mit menige der feltschlachten  
sie alle vbertroffen habe. Denn er hat seine  
tag bei den xliij. schlachten gethan / in denen  
er den meisten teil vnd nahend allen obge-  
siegt. Aber je dapfferer / starckmütiger / vnd

Keyser Otto  
der dritte.

Keyser Otto  
der dritt lest  
ein Papsst die  
augen ausstes-  
chen.

Merc von  
Keyser Heinri-  
chen den vier-  
den.

A ij tugent

Sachsen mecht  
sig.

Die Pöpst hat  
ben die welt v  
berredet das  
schwarz sey  
weiss et econ  
tra.

Turpe est do  
ctori etc.

Der Pöpst wil  
Simoney straf  
fen/so er selbst  
der bron vnd  
das heubt als  
der Simoney  
ist.

tugenthafter er gewesen / je grösser verfol  
gung er von den Pöpstien hat leiden müssen.  
Also bald sie sein gros gemüt vnd geschick  
licheit gesehen / haben sie (auff das er nicht  
vber sie wachse) sich im entgegen gesetzt.  
Vnd ist die erst practick geweest / heimlich die  
Sachsen (als der zeit das mechtigste volck  
Deutscher Nation) im abzuwenden / das  
sie auch volendet / also das viel Fürsten vnd  
herrn wider in zusammen geschworen / denn  
die Pöpstien haben sie vberredt / er sey  
von Natur zu Tyranny geneigt / werde sie  
vmb ire alte freiheit bringen / darzu haben  
ettliche geistliche Fürsten geholffen. Da hat  
in der Pöpst gen Rom citiert / im schuld ge  
ben er treibe Simoney / wann er seine diener  
mit geistliche pfrunden versehen. Vnder des  
haben sie des werde Keyser mütter in einen  
aber glauben bracht / das sie sich von im ge  
than / in Italien gewallet / vnd daselbst ir le  
ben volend vnd ausblieben. Sie haben im  
auch viel andere Deutsche Fürsten widere  
sperrung gemacht / daraus manch jemerlich  
her todeschlag / viel grosser Felttschlachten /  
manch erbennlich blutnergiessen gefolgt /  
Vnd ist im solchs nicht von einem oder  
zweien Pöpstien widerstahren / sondern viern  
oder fünffen / vnter denen doch der schando  
haffigste Wüch so je gelebt / Dilbebrand  
genant /

genant/ in am hersten zugesetzt/ on angese-  
hen/ das er vor seinem Papstumb viel wol-  
that vnd guts von im empfangen hatte.

Derselbige Hildebrand/ vber das das  
der Keyser zu im in Italam gezogen/ sich  
gegen im gedemütiget/ vnd also im abge-  
than/ was er je wider in gethan hatte/ sich  
genetzlich mit im vertragen/ darüber sie auch  
beide zusammen geschworen/ vnd einen ver-  
trag mit briuen vnd siegeln bestetigt. So Vota hilt  
bald der Keyser in Dentschland komen/ prandschel-  
hater derselbe Hildebrand sag ich/ das als misch verrete  
les vnangesehen/ heimlich allen Fürsten ge  
schrieben/ inen grosse verheissung gethan/  
das sie den Keyser absetzten.

Dieweil aber der Keyser in mitte des  
friedens sich solchs gar nicht versehen/ ist  
es dahin komen/ das man einen andern Kö  
nig gegen im auffgeworffen/ Darnach Heinrich den  
noch einen/ vnd zu letzt den dritten/ denn er vierten/ be-  
hat sie alle erschlagen/ vertrieben vnd zum  
tod bracht.

Do solchs alles nicht hat helffen mö-  
gen/ hat sich der listig Papst/ im seinen ei-  
gnen son/ widerwertig zu machen vnder-  
standen. Vnd erstlich König Conraden/  
der das mal in Italia was/ erweckt/ das  
Der Papst he-  
gt den son an  
den Vater. Die  
frucht müssen  
sich ja sehen  
lassen.

A iij er

er sich wider seine Vatter erhobe / vnd gantz  
Italiam aufforacht. Do aber König Con-  
rad darüber gestorben / die Italianer ero-  
schlagen / Kom durch den Keyser gewon-  
nen / ist der gottfürchtig Vater in die Engels-  
burgt geschlupffet / darnach sich daraus ge-  
stolen / vnd da des Christlichen bluts gnug  
vergossen was / hat er sich aus dem staub ge-  
macht / vnd gestorben.

**Papst Urbanus ij.**

Nach seinem tod ist einer fast seiner  
art / Nemlich Urbanns zum Papst auffge-  
worffen / der / nach dem er sunst allerley vers-  
ucht hatte / auch zuletzt König Heinrichen  
wider seinen eigen Vater den Keyser gerei-  
zt den son wirtzt / vnd das dahin bracht / das derselb jüng-  
der den Vater. lin ein grossen anhang in Deutschen lan-  
Da es den misden vberkomen / damit er auch seinen Vater  
lingt aus gött. in seinem letzten alter vberwunden / jemerlich  
licher straff / he vnd wie nicht zusagen ist gehandelt / vnd zu-  
zt er den an. letzt in todt bracht. Also ist es diesem tewren  
bern auch hin. helden ergangen.

**Keyser Heinrich der funfft.**

Da sie aber nun denselben der massen  
zu gericht / vnd an seiner stat derselbig Kö-  
nig Heinrich sein son angehaben zu regie-  
ren / wiewol sie im dar zu geholffen hatten /  
Zedoch haben sie doch seine macht auch ni-  
cht leiden mögen / sondern haben sich im  
auch

auch entgegen gesetzt / der denn kein ehers  
lich that nie gethan / denn das er ste wol ge  
strafft hat / vnd mit der allerhertesten ruten /  
ihrer verdienst nach geschlagen. Doch hat  
ben sie in mit mit iherm Kriegen von vielen  
herlichen thaten die er vorgehabt / abgezogen  
gen / Dat auch sein lebtag durch ihe Practick  
vnd hinderlist / in vnruhen leben müssen  
sen / des er denn auch nicht vnwürdig ge  
west / denn er hat es an seinem frommen  
vater wol verdient gehabt / wie gedacht.

Wer ein grü  
beo greht / fele  
offt selbs drem

Nach Keyser Heinrichs des fünfften  
todt / haben sie den Hertzen Lotharium  
aus Sachssen / vnd Hertzen Conraden aus  
Schwaben an einander gehetzt / auff das  
nicht / wo eintrechtigkeit vnder jnen were /  
iherer einer sich erheben möcht / vnd jnen zu ge  
waltig wurde. Doch hat Keyser Lotharius  
als er das Reich erobert / nach dem sie im  
Hertzen Conraden entgegen gehalten het  
ten / sich an im gerochen / vnd sie zimlich  
gestrafft.

Lotharius.

Conradus.

Nach diesem ist der anserwelt gegen  
Keyser Friedrich des namens der erst Ko  
men / den man Barbarossa genennet / den  
selben achte ich nach Keyser Heinrichen  
dem vierdten / für den allerstreitbaresten  
Deutschen Keyser der je gelebt hat / Wies

Friedericus pri  
mus Barbaros  
sa genant.

B wol

Das ist ire wei  
se je vnd je ge  
west.

Der Papst ver  
ret den Keyser  
dem Türcken.

wol er besserglück zu seinen hendeln / denn  
Keyser Heinrich gehabt hat. So bald sie  
nun solche sterck / vnd trotzlichkeit bey im bes  
funden haben / sind sie in auch mit irer ges  
wonter weise angegangen. Dieweil aber  
solchs Keyfers handel also bekant ist / das  
auch Kinder darvon wissen zusagen / sind  
darvon nicht viel wort zumachen. Es ha  
ben im die Bepst glauben geschworen vnd  
nicht gehalten / Vnd hat Rom je list vnd be  
hendigkeit geübt / so hat es sich an diesen  
versucht / also ernstlich vnd mit stetigem an  
halt / das ich auch geschrieben sind / wie in  
Papst Alexander dem Türckischen Sol  
dan verrhaten habe / das er in sein gewalt  
komen / Aber doch durch die hülff Gottes  
wider erlöst. Das auch Papst Alexander al  
lerley wege gesucht diesen guten Keyser  
vmb zu keren. Aber Gott hat in behut / vnd  
zu vberwindnus seiner feinden bracht. Es  
sind noch vor augen vie schrifften vnd send  
briene / so dieser Keyser vnd der Papst zusam  
men gethan / daraus zu erkennen / was red  
licher stück sie an im geübt.

Da nun der Papst gedempfft / die Rö  
mer zerschlagen / vnd gantz Italien durch  
diesen held gestillt / vnd er also nach zerbre  
chung aller seiner feind / ein löblichs end ge  
nomen /

nomen / Haben denn die nachuolgenden  
Pepst / des sie am vater nicht vermocht ha-  
ben / sich an seinem Son gericht. Vnd erst-  
lich haben sie sich mit König Heinrich König Heins  
vmb Neapolis gezwieiet / Derselbigen ein be richen.  
zwungen frieden mit jnen anzunemen ge-  
drungen.

Nach des todt haben sie mit grossen li-  
sten zu gericht / das ein zwittracht in derwohal  
ist worden zwischen den Deudschen Für-  
sten. Da aber König Philippus / des jetz ge König Philippus.  
nanten Keyser Heinrichs bruder den gro-  
sten anhang in Deudschen landen gehabt /  
Haben sie dargegen Hertzog Otten von  
Sachsen confirmiert. Als in aber König  
Philips v'uerwunden vertrieben / Haben  
die Pepst vnd die jren / wiewol nicht offent-  
lich / sondern heimlich / nichts vnderlassen /  
damit sie in / den König verfolgen möche-  
ten / sind im offt treulos vnd meineidig wor-  
den / denn jnen ist das geblüt Keyser Fried-  
richs verdacht gewesen / bis er zuletzt von eis-  
nem Pfaltzgrauen erstochen ist worden / als  
denn ettliche meinen aus anreizung des  
Pepst Innocentij.

Vnd also ist nach jrem willen vnd be-  
uelch / Hertzog Otto / wiewol wider der  
Deudschen Fürsten gesinnen / doch dem  
Pepst zu gefallen König worden. Es hat

B ij aber

Keyser Fried-  
rich der ander.

aber des Babsts gunst nicht lang vber dem  
gehalten / Denn so bald er nicht hat in allen  
dingen / mit abbrechung des Reichs / seines  
willens geleben wollen / Dat er in auch  
feindlich verfolgt / vnd mit dem Bann ge-  
schlagen / Daran kein gnügen gehabt / so  
viel mit den Fürsten gehandelt / das sie den  
jungen Hertzog Friedrich / Keyser Philips  
Son wider in erwelet haben / Vnd haben  
inen also ein ruten vber jren eigen rucken ge-  
macht. Denn das ist Keyser Friedrich  
der ander / der sich sein lebenslang mit den  
Pepsten (der im drey nach einander streng-  
lich wider gewesen) hat beissen müssen. Nun  
ist er vom leib vnd gemüt der massen geschick-  
t gewest / das sich billich die Welt eins sol-  
chen Fürsten frewen solte / Aber die Peps-  
ten haben in mit einem fast lesterlichen heßli-  
chen decret / das sie auch darnach in jr geist-  
lich recht / darin es noch stehet / gesetzt / zu  
schenden vnderstanden / in trewlos vnd  
meineidig gescholten / dem sie nie kein trew  
noch glauben hielten / Auch sunst vieler  
ding beschuldigt / daran sie im als aus wa-  
ren Historien vnd Chroniken zu beweisen /  
gewalt vnd vnrecht gethan / Denn er ist ein  
redlicher / streitbarer / ehrenreicher Fürst ge-  
west. Vnd darumb sie sich aber lebendig an  
im nicht haben rechen mögen / haben sie  
dieses



dieses giff nach seinem tod vber in ausgoß  
sen / der hoffnung sie wöllen bey den nach  
Comen vnd auff künfftige zeit dennoch recht  
behalten / vnd sind darauff ettliche Histori  
en schreiber von jnen die sach also zubeschrei  
ben verordnet worden. Aber bey alten vns *Nota ein gros*  
parteyischen geschichtschreibern auch in sei *buben Stück.*  
nen Keyser Friedrichs briuen ( der ich ein  
gantzbuch vol habe vnd ob gott wil bald  
werde trucken lassen ) findet sich die war  
heit / das in die Ppst schendlich vnd lesters  
lich gehandelt haben / Als.

Erstlich Honorius / der im den Land  
grauen Otten entgegen auffgeworffen vnd *Landgraff*  
darnach ettliche Stet in Italien wider in er *Ott.*  
weckt. Als er die aber mit der hülff gottes  
doch nicht on gros blut vergiessen vberwun  
den vnd sich mit grosser macht vnd vnaus  
sprechlichem vnkosten / das heilig land wi  
der von den vngleubigen zu erbern / erha  
ben / vnd schon mit den seinen auff dem  
Meer gewest / Dat im der Ppst ein auffrur  
in Italien gemacht / das er den löblichen  
zug hat prechen müssen / vnd widerumb zu *Nota den hirs*  
rück ziehen / Vnd ist also durch neid des *ten der Chri*  
Ppsts die gantz Christenheit an irem gros *stenheit / ja den*  
sen nutz vnd ehren verseumpft vnd verhin *wolff des scha*  
dert worden. Doch hat der Keyser gethan *ffst als Christi.*  
als ein grosnütiger Fürst / dem der gemeine  
B iij nutz

nutz mehr dann sein eigenthumb lieb ge-  
west ist / hat sich in grosser demütigkeit mit  
dem Papst vereinigen lassen / darnach wis-  
der zum heiligen land gezogen / Hierusalem  
vnd andere Stet wider an die Christen  
bracht.

Verräterey  
Papst Grego-  
rij. Es wird  
aber das Kind  
an den Vater  
gebetzt.

Nach Honorio / ist Gregorius Papst  
worden der hat dem Keyser darnach arbeit  
geben. Dat im für solch seine Christlich are-  
beit vnd grosse gutthat gedanckt / vnd im  
mitler zeit auff alle wege nach gestellt / Vnd  
zuvor an in durch die Tempelherrn dem  
heidnischen König verraten wollen. Dar-  
nach im seinen Son König Heinrichen  
entgegen gebetzt / Meyland / Bononia /  
Barma / Venedig vnd viel andere Stet in  
Italien mit grosser auffhur wider in bes-  
wegt / in darnach verbrennet vnd vermale-  
deiet.

Vndankbar-  
keit des Pap-  
sts Innocentij.

Do er aber den allen obsigt / auch der  
Practiken so erstlich durch den Papst Gres-  
gorium / vnd darnach auch Celestinum in  
Dentsch land wider in zu gericht / wider-  
standen / sich auch also gehalten / das man  
sein vnschuld erkant / vnd grossmütigkeit  
gesehen. Dat der Papst Innocentius ein  
Concilium in Franckreich wider in gemas-  
cht.

cht/darin er in auch abgesetzt vnd verban-  
net hat / Ober/ das es vor der zeit on widero-  
geltliche wolthaten / von im Keyser Friedri-  
chen empfangen hatt / auch on zweuel wo-  
der nicht were gewesen / er were nimmer Pa-  
pst worden / Also ist der from Keyser bis in  
sein todt von jnen gehandelt worden.

Nach seinem tod / haben sie dennoch  
den hass / so sie wider in gehabt / nicht faren  
sondern des seinen Son Conraden entgel-  
ten lassen. Vnd haben den Bastart Man- Papst lest ehn  
fredum an in gehetzt / in welchem Krieg im Keyser verge-  
mit giffte vergeben ist / durch verrattung on ben.  
zweuel des Papsts Innocentij. Also ward  
dieser Deudsch Keyser aus hin gericht.

Als nun dieser also dahin gewest / ha-  
ben sie mit dem bastart Manfredo gleicher König Man-  
weise auch gehandelt. Denn der Papst Alefried.  
xander / hat im erstlich die florentiner vnd  
viel Welscher Stet an hals geheneckt. Dar-  
nach auch den König in Franchreich wi-  
der in bewegt / das auch darnach Papst Vr-  
bannus vnd zu letzt Clemens gethan / so  
lang / bis er bey Beneuent von den Frantzo-  
sen vberwunden / vnd erschlagen ist.

Nach dem ist Keyser Rudolff in Ita- Keyser Rus-  
B üij lien dolff.

lien vor tribuliert worden / doch heimlich /  
Als sie in den haben (das er ettlichen wbas  
len von den er gelt darumb entpfangen hat  
gefret) zu schmeben vnderstanden / dar  
auff denn Papsst Donorius zimlichen vleis  
gelegt.

Keyser Heinri  
chen dem vij.  
wird im Sa-  
crament ver-  
geben.

Papsst Cle-  
mens.

Keyser Hein-  
richs vij. ge-  
schicklichkeit.

Wer an Keyser Heinrichs des vij todt  
schuldig sey / das ist noch nicht gründtlich  
erkannt / wiewol niemand zweiuelt / das die  
florentiner den Mönchen der im in dem hei-  
ligen Sacrament vergeben hat / zugericht  
vnd verordnet haben. So weiss man auch  
wol das im Papsst Clemens / der in nicht  
anders denn auff geding hat Keyser sein  
lassen wollen / nit gern / sondern mit auffrur  
vnd bezwenglich gekrönet / Dat sich auch  
vmb des Königreichs Neapolis willen  
freundtlichen gegen im gestalt / in dem ist  
der from Keyser jemerlich vmbkomen / Der  
solcher geschicklichkeit ist gewesen / das man  
im gantze reich ein hoffnung in im gehabt /  
er werde noch grosse ehr einlegen. Dat aus  
ch der massen angefangen zu regiern / das  
sich nicht anders denn zu einem dapfferen  
grossmütigen rechtschaffen regenten zu im  
zu verfehen gewesen / Des hat er auch viel  
leicht entgelten müssen.

Was aber an im heimlich geübt / ist  
darnach

darnach an Keyser Ludwigen öffentlich  
angewendt. Denselben hat Bapst Joanes  
nes/der geitzigst vnd gelsüchtigst so vnter  
allen Bepsten je gelebt/ Vmb das es on sein  
verwilligung zum Keyser gewelt/ verban  
net/ vnd souiel an im gewesen abgesetzt. Lo  
er aber mit gewalt sich im entgegen gesetzt/  
gen Rom mit macht gezogen/ vnd der Bap  
pst sich im zu schwach erkant/ Dat er alle  
Stet vnd herrschafft in Italien die er ver  
mocht/wider in gebetzt/ vnd im also lang  
er gelebt kein ruhe gelassen. Dat sich auch  
in keinem weg mit im vertragen wöllen  
lassen.

Dieser Keyser Ludwig/hat sich wies  
wol mit seinem grossen schaden / dennoch  
Fürstlich vnd Keyserlich iren erweret. Aber  
sein nachkomen / Carolus hat sich gantz  
weibisch finden lassen. Denn er hat sich  
den Bapst Innocentium zwingen lassen/  
auff das er von im gekrönt würde/ zu gelo  
ben vnd zu schweren/von stund an aus Ita  
lien zu ziehen/vnd gen Rom sein lebtag nim  
mer zu komen. Noch mehr /im ettliche Stet  
vom Reich vbergeben/vnd viel ander vnzim  
licher vnehrlicher compact vnd bündnis ein  
gegangen. Wiewol nun dieser schuldt hat/  
das er also gar on hertz vnd gemüt sich des  
C Key

Carolus quar  
tus mus schwe  
ren nimmer in  
Italien zuko  
men. Mercke  
nur die vnuer  
schempten bü  
ben.

Keyserthumbs vnderwunden / So sind doch  
ch die ein solichs ein Römischen Regierer  
vnd Herrn der Welt / angesinnet / nicht ent  
schuldigt / Denn sie haben nicht als Christo  
lichen Bischoffen gebürt / sondern listig / be  
triegliche vnd vntreue tyranney bewiesen.

Keyser Sig  
mund.

Darnach hat sich Keyser Sigmund  
vnd inen etwan gute wort geben / etwan  
sich dienstlich erzeigend / trucken müssen /  
bis so lang die Hussiten sach sich begeben /  
zutracht in sie gefallen / vnd es zu einem  
Concilio komen ist. Denn darnach hat er  
ein zeit lang besser sach mit inen gehabt. Jed  
doch habē sie im auch erstlich im Concilio zu  
Costnitz / darnach zu Basel / auff's trutzlichst  
entgegen gegangen. Vñ wiewol er den sinn  
vnd mut / sie zu reformiern gehabt / ist in  
doch das glück darzu abgestanden / vnd  
hat es nicht volenden mögen. Im ist auch  
gros vndanckbarkeit von Bepsten widerfa  
ren / Aber zuuorn an von Eugenio / dem er  
im Concilio zu Basel zu allen seinen ehn  
geholfen / der hat in darnach also spöttlich  
gehalten / vnd also schendlich veracht / das  
er in vj. Monat lang zu Senis hat warten  
lassen / ehe er in die Keyserliche Fron hat ge  
ben wollen. Dieses ist der verreter Eugenio  
us gewesen / der da / als er gesehen hat / das  
das

Papst Euge  
nius.

das Concilium zu Basel wider sich fürs  
gang haben solt/ den Delphin in Franck<sup>Notas</sup>  
reich bewegt hat/ das er mit heres Krafft in  
das Elsass gezogen / viel lands verwüst/  
vnd die armen leut jemerlich verderbt. Das  
mit hat er sich an den Deutschen Fürsten  
rechen wollen.

Das je ein Keyser mit Bepsten vmb  
Können gehen/ so hat es Keyser Friedrich  
der dritt gekönt / Noch dennoch haben sie  
jm viel böser tück bewiesen. Vnd zuvor an  
hat jm Paulus der Bapst / da er das letzt  
mal zu Rom gewesen / verreterlich nach ge  
stellt. Des hinderlist er doch entflohen ist.  
Fürwar hett auch einen fromkeit vnd vleis  
des friedens sichern mögen/ er were billich  
von jnen vnbetrübet blieben / hat jm aber nis  
cht geholffen.

Die were viel zusagen von dem aller  
vntrewesten vnter allen Bepsten / die je ge  
lebt / nemlich von Pio dem ij. Denn er hat  
sich von jugent auff in Deutschen landen  
gebraucht / Ist an Keyser Friedrichs hoff  
lang zeit an eins Secretarien stat gewesen/  
Also/ das er alle gelegenheit Deutscher na  
tion besehen vnd erlernet hat. Darnach dur  
ch anbringen des Keyfers erstlich Bischoff/  
darnach Cardinal / zu letzt Bapst worden.  
Da er nun zum selbigen stand komen ist/  
C ij hat

Keyser Friede  
rich der dritte.

Bapst Paulus

Bapst pius ij.

Pallia/ Annaten/ vñ dergleichen reuberey.

Nicht mehr vñ Bapst auff ein Concilium zu appelliern / dē der Bapst wils sein.

Beschluss.

hater von der selben zeit an / bis ans end seines lebens keinen vleis gespart / damit er Deudsche nation auff's aller höchst beschwert / Denn der allergrösten schinderey so die Bepst treiben / ist dieser ein erfinder vñ anheber gewesen. Vñ was die andern mit gutem freuntlichen angesinnen vñ schmeichlen von vns bracht / hater mit trutz vñ gewalt angefallen. Vñ nach dem er gewist / wie es vmb die geistlichen Lehen hieraus ein gestalt / hater die wissen zu schetzen / vñ on massen beschwerung darauff gelegt.

Die Pallia / Annaten vñ andre reuberey / on form vñ gestalt erzeugt. Dieser hat etliche Deudsche Fürsten mit dem Bann geschlahen / Als Hertzog Sigmunden von Osterreich / vñ den Ertzbischoff von Mentz. Er ist auch der erst gewesen / der soniel an im gewesen / die zu flucht die man vor im alle weg zu ein Concilio hat gehabt / abgenommen / mit einem gesatz darin er verbeut das man nimmer von ein Bapst an ein Concilium / Vñ also hat er sich gehalten gegen den fromen Deudschen die im zu ehren vñ gut geholffen vñ bracht haben.

Diese stück sind auff das kurtzest ans vielen gezogen / Denn von den listen vñ vntrewen / so die Bepst den frommen Deudschen Keysern bewiesen / gründlich zu sagen /



gen/wolt lang zeit nemen / vnd zu ein groß  
sen buch erwachsen / Auff das aber Keyser  
liche May. mit mit vielen worten vberfallen  
vnd bemühet werde / Ist solichs erstlich in  
der kurtz anzuzeigen / Vnd darnach das sie  
nicht weit hinder sich rechnen dorfften / Ist  
es zubedencken was irem anhern dem from  
men Maximiliano widerfahren ist / Den ha  
ben sie mit mancher hand listen angangen /  
im nie kein glauben gehalten / keiner Eid  
noch pflichten vol gethan / Also das man  
aus seinem mund gehört / da im der Papsst  
Leo / seinen glauben wie andere vormals  
auch gebrochen / Nun ist dieser Papsst auch  
zu ein böswicht an mir worden / Nun mag  
ich wol sagen / das mir kein Papsst / so lang  
ich gelebt / je trewe oder glauben gehalten  
hat / Hoff ob gott will dieser solle der letzte  
sein / des in auch Gott geweret / denn Gott  
hat bald darnach vber in gebotten.

Dieses ist Key. May. zubeheztigen  
vnd in alle wege zu betrachten / wie sie sich  
von den truglichen nachstellungen bewar /  
vnd verhut / inen nichts vertraue / sich in  
keinem weg auff ir schmeichelhaftigs erbie  
ten oder zusagen verlasse / Denn das der  
Papsst diesen vnsern allergnedigsten herrn  
Keyser Carolum zu fellen vnderstehet / ist  
daraus gut zugedencken / das er ein Lega  
C ij ten

Keyser Max  
imilian.

Keyser Max  
milians rede /  
merck.

Nota tpsanne  
ritatem.

Quaedam mus-  
tata pro condi-  
tione temporis.

Papst Leo.

Florentiner.

ten vber den andern zu im schickt / In auch  
mit Bischoffen vnd Cardineln ( die den  
Papst alle verpflichtet vnd zu gut handeln  
werden ) behenckt vnd vberfüret. Denn er  
vermeint in damit zu tenben / zu bereden vnd  
zu betriegen / da stehet vleissig einsehens zu  
haben. Vnd bedarff jr May. Keins wegs hof-  
fen / das dieser oder ander Ppst jrer May.  
mehr denn in vorzeiten andern Keysern hal-  
ten werden. Denn solt es schon möglich  
sein / so ist es doch an diesem Papst nicht zu  
hoffen aus vielen beweglichen vrsachen.  
So hat auch Papst Leo bald im anfang  
sich mit allen Kressen vnterstanden ire Ma.  
an Königlichen whal zuuerhindern.  
So in aber solchs vnd was er öffentlich  
feindlicher weise gegen seiner May. fürge-  
nomen / nit hat wöllen für sich gehen / ist er  
endlich mit rhat ( als nicht zu zweyfeldn ) sei-  
ner florentiner ( für deren namen sich auch  
zu fürchten ) auff diesen weg komen / meinet  
in vnter ein schein der freundschaft mit lie-  
sten zu fellen Vnd das am meisten aus der  
vrsach / das er sahe / das es sich allenthal-  
ben dazuschickt / das die Deudschen von  
der Ppstlichen schinderey vnd beschwe-  
rung / erlediget / von dem joch das in vnbil-  
lich auffgelegt war / erlost werden mögen.  
Darumb sol Key. May. sich vnterweisen las-  
sen /

sen/ das sie sich den Papst nimmer mehr  
mit guten Worten dahin reden lassen das sie  
die jenigen so zu solchen Dingen / dem ganz-  
tzen Land vnd aller Christenheit zu gut ver-  
manung thun / verfolgen oder austilgen las-  
se. Denn je bekand werden mus / das D. Lu-  
thers vnd mein schreiben ire May. der ganz-  
tzen Deutschen nation zu ehren / nutz / fro-  
men / vnd wolffart reichen. War ist das es  
vielen Keysern / die auch gern Deuschland  
geholfen / vnd im sein freyheit wider bracht  
hätten / nur daran gefelet / das sie nicht ge-  
habt / die sie aus grundt der schrift / dieser sa-  
chen wie von nöten bericht hätten. Denn es  
wissen wenig wo dem Papst sein hertz ligt /  
ob es denn schon etlich wissen / seind sie zum  
teil geistlich / zum teil haben sie nit den mut  
das sie es sagen vnd offenbaren dörfen /  
fürchten die Pöpstliche Tyranny. So es  
nun darzu ist komen / das leut sind / die das  
wissen / vnd dörfen jederman zu gut / aber  
sonderlich Key. May. zu ehren vnd nutz die  
warheit fürbringen / soll man die nit allein  
nit verfolgen / noch daran gehindert  
werden lassen / sondern mehr soll  
man sie fürdern / inen dazu helfe  
fen vnd rathen.  
Ende.

Es wissens jez  
viel leut / sagēs  
viel wens helfe  
fen wölt.

Faint, illegible text, likely bleed-through from the reverse side of the page. The text is arranged in approximately 20 horizontal lines.



№ 3158

(x2212746)



78.






J1864

J193

**Festschrift**  
zum  
**75jährigen Bestehen**







B.I.G.

Farbkarte #13

Black	Black
3/Color	3/Color
White	White
Magenta	Magenta
Red	Red
Yellow	Yellow
Green	Green
Cyan	Cyan
Blue	Blue

7

ig wie böß-  
 nden Deutsche  
 /das billich/ auch nur  
 en/ Kein Keyser einis  
 ertrawen solt /  
 betrogen sein.  
 chen von Hut  
 en bracht.



L 2, 2672.

